

U G O V O R BROJ: 17-14-8530-13

PRODAVAC: "KONICA MINOLTA POSLOVNA RJEŠENJA BH" d.o.o.
Sarajevo, ul. Azize Šaćirbegović br. 1
(u daljem tekstu Prodavac)

KUPAC: KANTON SARAJEVO, Stručna služba za zajedničke poslove,
ul. Reisa Džemaludina Čauševića br. 1
(u daljem tekstu: Kupac)

1. PREDMET UGOVORA:

Predmet Ugovora je isporuka kopir aparata prema ponudi 055/16 od 24.03.2016. godine za slijedeće stavke:

- **Kopir aparat "Konica Minolta bizhub PRO 754e – 1 kom. x 14.900,00 KM (bez PDV-a)**

2. OBIM ISPORUKA:

Obim isporuka iskazan u tački 1. ovog Ugovora, obuhvata:

- isporuku opreme u pripremljenim prostorijama Kupca,
- instaliranje opreme,
- održavanje u garantnom roku.

3. CIJENA:

Ukupna cijena za nabavku i isporuku ovog aparata po ovom Ugovoru iznosi:

- | | | |
|----|-------------------------|----------------------|
| 1. | Cijena bez PDV-a | 14.900,00 KM |
| 2. | PDV | 2.533,00 KM |
| 3. | Cijena sa PDV-om | 17.433,00 KM. |

Slovima: (sedamnaesthiljadačetiristotinetridesetri KM).

Cijena po ovom Ugovoru podrazumijeva paritet fco Sarajevo, isporučeno na sjedište Kupca (Reisa Džemaludina Čauševića 1), ocarinjeno, bez poreza na promet.

4. NAČIN PLAĆANJA:

U roku od **120 (stotinudvadeset) dana** od dana potpisivanju Ugovora.

5. ROKOVI:

Rok za isporuku opreme iz tačke 1. ovog Ugovora je odmah po potpisivanju Ugovora, a najdalje u roku od **1 (jednog) dana**, od dana izdavanja i dostavljanja fakture od strane Prodavca.

Fakturisanje i plaćanje opreme tereti poziciju **Stručne službe za zajedničke poslove Kantona Sarajevo.**

6. PRIMOPREDAJA:

Primopredaja opreme vrši se potpisom otpremnice a ista se potpisuje nakon kvalitativnog i kvantitativnog prijema opreme, koju će izvršiti Stručna služba za zajedničke poslove Kantona Sarajevo.

Ukoliko se pregledom utvrdi da kvalitet i kvantitet ponudene opreme ne odgovara traženom i ponudom utvrđenom kvalitetu (brend name oprema) i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

7. GARANCIJE:

Za ugovorenu opreme iz tačke 1. ovog Ugovora Prodavac daje garanciju na kvalitet i funkcionalnost u trajanju od:

- **12 (slovima: dvanaest) mjeseci od dana isporuke.**

Garancija za računarsku opremu obuhvata sve kvarove nastale uslijed grešaka u projektovanju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi računarske opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo uslijed:

- nepravilne, nestručne upotrebe opreme,
- neadekvatnih uslova za rada opreme,
- više sile i
- drugih nepredviđenih događaja.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

8. OBAVEZE KUPCA/PRODAVCA:

Kupac i Prodavac se obavezuje da u roku od 24h od potpisa Ugovora pismeno obavijeste Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.

Prodavac se obavezuje da će po isteku garantnog roka obezbjediti Kupcu nabavku rezervnih dijelove za kopir aparat u periodu od najmanje 36 mjeseci, kao i da će omogućiti Kupcu ukoliko on to bude tražio sklapanje Ugovora o održavanju opreme.

9. AUTORSKA PRAVA:

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

10. SPOROVI

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

11. ZAVRŠNE ODREDBE:


Sve eventualne dopune i izmjene ovog Ugovora moguće je obaviti pismeno potpisivanjem Anex-a osnovnog Ugovora, uz saglasnost ugovornih strana.

Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

PRODAVAC:
"KONICA MINOLTA
POSLOVNA RJEŠENJA BH" d.o.o.


KONICA MINOLTA
POSLOVNA RJEŠENJA BH d.o.o.
SARAJEVO

KUPAC:
KANTON SARAJEVO
SSZP



Sarajevo, 11.04.2016.godine